

Broj:13/06-1-30-6-1934-1/21–K.K.
Sarajevo, 27.12.2021. godine

Na osnovu člana 23. Zakona o namještenicima u organima državne službe u Federaciji Bosne i Hercegovine („Službene novine Federacije BiH“ broj:49/05), Pravilnika o unutrašnjoj organizaciji Porezne uprave Federacije BiH broj: 03-02-8069/12 od 05.06.2013. godine, akta Federalnog ministarstva finansija/finansija broj: 03-34-2-6290/18 T.M.F. od 12.10.2018. godine, Porezna uprava Federacije BiH objavljuje

JAVNI OGLAS
ZA POPUNU UPRAŽNJENIH RADNIH MJESTA NAMJEŠTENIKA
U POREZNOJ UPRAVI FEDERACIJE BIH

I

U skladu sa aktom Federalnog ministarstva finansija/finansija broj: 03-34-2-6290/18 T.M.F. od 12.10.2018. godine i Odlukom direktora Porezne uprave Federacije BiH broj: 13/06-1-30-6-1934/21 od 27.12.2021. godine za popunu upražnjenih radnih mjesta namještenika, Porezna uprava Federacije BiH javnim oglašavanjem vrši prijem 2 namještenika u organizacione jedinice Porezne uprave Federacije BiH, kako slijedi:

I. KANTONALNI POREZNI URED LIVNO

Porezna ispostava Tomislavgrad

1. Viši samostalni referent za javne prihode - 1 (jedan) izvršilac

Opis poslova: vrši računsku kontrolu poreznih prijava i priprema za dalju konačnu provjeru i obradu; obrađuje porezne kartice; priprema podatke za izdavanje naloga za plaćanje, naloge za knjiženje, prekršajnih naloga, poreznih uvjerenja, te podatke za prijavljivanje potraživanja po osnovu javnih prihoda u izvršnim postupcima i postupcima stečaja i likvidacije poreznih obveznika; na osnovu službenih evidencija izdaje uvjerenja poreznim obveznicima; vodi evidenciju poreznih uvjerenja; vrši i druge poslove po nalogu šefa Ispostave.

Uslovi za vršenje posla: VŠS – prvi stepen ekonomskog ili pravnog fakulteta ili viša ekonomsko-komercijalna, viša upravna škola ili prvi stepen drugog fakulteta društvenog ili tehničkog smjera, najmanje 1 (jedna) godina staža i položen stručni ispit.

Neto plata za višeg samostalnog referenta za javne prihode iznosi 1.076,84 KM.

II. KANTONALNI POREZNI URED ORAŠJE

Odsjek za edukaciju, registraciju, zajedničke i opće poslove

2. Viši referent za administrativno - tehničke poslove - 1 (jedan) izvršilac

Opis poslova: vrši prijem pošte Kantonalnog poreznog ureda i neotvorenu dostavlja na otvaranje i signiranje rukovodiocu Kantonalnog poreznog ureda; kada primi signiranu poštu vrši sve radnje koje se odnose na kancelarijsko poslovanje sa poštom što obuhvata: zavođenje akata, združivanje akata, dostavljanje akata u rad, rokovnik predmeta, primanje riješenih predmeta, razvođenje akata i otpremanje pošte; vodi osnovne i pomoćne knjige predviđene za kancelarijsko poslovanje; na osnovu rješenja rukovodioca čuva i rukuje pečatima Kantonalnog poreznog ureda; vrši arhiviranje svih riješenih predmeta po propisima o arhiviranju; vodi Arhivsku knjigu; prima stranke rukovodioca Kantonalnog poreznog ureda, daje strankama potrebne informacije i objašnjenja; uspostavlja, odnosno posreduje u uspostavljanju telefonskih veza za potrebe rukovodioca Kantonalnog poreznog ureda; prima i otprema akta i drugu poštu rukovodioca; rukuje telefaksom i aparatom za kopiranje; otprema putem telefaksa službena akta i druge pisane materijale za potrebe rukovodioca Kantonalnog ureda; umnožava materijale, vrši prepis rukopisa i računarsku obradu materijala za rukovodioca Kantonalnog poreznog ureda; vrši ovjeravanje akata nakon potpisivanja od strane rukovodioca ili drugog ovlaštenog lica; prema instaliranim programima vrši unos podataka u računar, obradu i listing pošte; obavlja i druge poslove po nalogu rukovodioca Kantonalnog ureda i šefa Odsjeka.

Uslovi za vršenje posla: SSS - gimnazija, ekonomska, upravna, birotehnička ili druga srednja škola, najmanje 10 (deset) mjeseci radnog staža, poznavanje rada na računaru i položen stručni i arhivistički ispit.

Neto plata za višeg referenta za administrativno - tehničke poslove iznosi 937,89 KM.

II

U svrhu dokaza o ispunjavanju općih uslova utvrđenih u članu 24. Zakona o namještenicima u organima državne službe u Federaciji Bosne i Hercegovine, uz prijavu na Javni oglas kandidat je dužan priložiti sljedeća dokumenta (original ili ovjerene kopije):

- 1. Dokaz o vrsti i stepenu školske spreme** (diploma ili uvjerenje o završenom srednjem ili višem obrazovanju ili svjedočanstvo o završenom obrazovanju iz kojih se vidi da je sa uspjehom završio obrazovanje i stekao potrebno zvanje. Ukoliko je diploma stečena van države Bosne i Hercegovine potrebno je uz diplomu dostaviti rješenje o nostrifikaciji diplome.

Napomena: Neće se uzeti u razmatranje prijave kandidata koji kao dokaz o traženom obrazovanju dostave svjedodžbe o završenom I, II, III i IV razredu srednje škole, a uz navedene svjedodžbe ne dostave diplomu ili uvjerenje o završenom obrazovanju ili svjedodžbu o završenom obrazovanju.

- 2. Uvjerenje o državljanstvu** (ne starije od šest mjeseci od datuma izdavanja)
- 3. Izvod iz matične knjige rođenih**

4. **Dokaz o položenom stručnom ispitu**
5. **Dokaz o položenom arhivističkom ispitu za radno mjesto pod rednim brojem 2**
6. **Dokaz o radnom stažu** (potvrdu ili uvjerenje poslodavaca kod kojih je kandidat radio ili trenutno radi ili uvjerenje porezne ispostave ovjereno pečatom i potpisom nadležne osobe u kojem su tačno naznačeni periodi prijave i odjave kandidata ili uvjerenje Zavoda za penzijsko i invalidsko osiguranje (PIO/MIO).
7. Uz uvjerenje Zavoda za penzijsko i invalidsko osiguranje o podacima registrovanim u matičnoj evidenciji nadležne institucije obavezno je dostavljanje potvrde koja razjašnjava šifre zanimanja iz uvjerenja (listinga), tako da se može vidjeti sa kojom stručnom spremom je kandidat radio.
Ukoliko se kao dokaz o stažu dostavlja potvrda poslodavca, potvrda mora sadržavati sljedeće podatke:
 - naziv i sjedište poslodavca, broj, datum i mjesto izdavanja potvrde, podatke o nazivu radnog mjesta, odnosno vrsti poslova koje je kandidat obavljao, obavezno naznačenu školsku spremu sa kojom je obavljao navedene poslove, period obavljanja poslova, potpis ovlaštenog lica i pečat.Kao dokaz o radnom stažu neće se uzimati u razmatranje radna knjižica, pismo preporuke i ugovor o djelu.
8. **Izjava da u posljednje dvije godine od dana objavljivanja Javnog oglasa nije otpušten iz organa državne službe kao rezultat disciplinske kazne na bilo kojem nivou vlasti Federacije BiH, odnosno u Bosni i Hercegovini** (ovjerena u nadležnoj službi općine koja vrši ovjeru potpisa, izdata nakon objave Javnog oglasa)
9. **Izjava da lice nije obuhvaćeno odredbom člana IX 1. Ustava Bosne i Hercegovine** (ovjerena u nadležnoj službi općine koja vrši ovjeru potpisa, izdata nakon objave Javnog oglasa)
10. **Dokaz o poznavanju rada na računaru za poziciju 2**
 - Dokaz o položenom ispitu informatike
 - Ovjerena fotokopija indeksa/dodatka diplomi ili svjedočanstvo o završenom razredu ili obrazovanju gdje je kandidat pohađao predmet informatike
 - Prepis ocjena gdje se vidi da je kandidat pohađao predmet informatike
 - Ukoliko kandidati dostave neki od navedenih dokaza potrebno je da naglase da se navedeni dokument podnosi kao dokaz o poznavanju rada na računaru.
 - **Napomena:** potvrda ili uvjerenje firme u kojoj je kandidat radio ili sa kojom je ostvario poslovnu saradnju, odnosno pisana preporuka kojom se potvrđuje traženi nivo znanja rada na računaru kandidata neće se prihvatiti kao validan dokaz, jer isti nisu registrovani za obavljanje obuke iz te djelatnosti.

III

Namještenici srednje školske spreme koji za vrijeme prijema u radni odnos u organ državne službe imaju radni staž od šest, odnosno namještenici više školske spreme koji od dana sticanja više školske spreme imaju radni staž od devet mjeseci, a nisu položili stručni ispit, mogu se primiti u radni odnos, ali su dužni taj ispit položiti najkasnije u roku od šest mjeseci od dana prijema u radni odnos u organ državne službe.

IV

Za radno mjesto pod rednim brojem 2 izabrani kandidat koji od dana sticanja školske spreme nije položio arhivistički ispit dužan je taj ispit položiti po isteku šest mjeseci od dana prijema u radni odnos u organ državne službe.

V

Kandidati koji uz prijavu na Javni oglas kao dokaz o stručnoj spremi i radnom stažu dostave dokaz na osnovu kojeg se može utvrditi da posjeduju viši stepen stručne spreme od one koja je tražena Javnim oglasom, kao i dokaz o radnom stažu koji je stečen sa višim stepenom stručne spreme od one koja se traži Javnim oglasom, smatrat će se da u skladu sa Uredbom o izmjenama i dopunama Uredbe o dopunskim poslovima osnovne djelatnosti i poslovima pomoćne djelatnosti iz nadležnosti tijela državne službe koje obavljaju namještenici („Službene novine Federacije BiH“ broj: 65/20) ispunjavaju uslove koji se odnose na traženi nivo i vrstu školske odnosno stručne spreme i radni staž.

VI

Sa kandidatima sa liste uspješnih kandidata direktor Porezne uprave Federacije BiH obaviti će intervju, nakon čega će donijeti odluku o prijemu namještenika u radni odnos na neodređeno vrijeme.

VII

Javni oglas ostaje otvoren 15 (petnaest) dana od dana objavljivanja u dnevnim listovima „Večernji list“, „Oslobođenje“ i „Dnevni list“.

Uz dokaze o ispunjavanju uslova Javnog oglasa potrebno je podnijeti prijavu sa kraćom biografijom (CV), kontakt telefonom i adresom, na adresu:

**Porezna uprava Federacije Bosne i Hercegovine
SREDIŠNJI URED SARAJEVO
Husrefa Redžića br. 4
71000 Sarajevo
sa naznakom**

«Javni oglas za prijem namještenika u Poreznoj upravi Federacije BiH»

„Pozicija radnog mjesta broj ____ na koje konkuriše u KPU____.“

Nepotpune i neblagovremene prijave neće se uzeti u razmatranje.

Napomena:

Kandidati koji budu primljeni u radni odnos podliježu obavezi probnog rada u trajanju od tri mjeseca.

Kandidati koji budu izabrani dužni su neposredno pred stupanje u radni odnos dostaviti uvjerenje o zdravstvenoj sposobnosti.

Porezna uprava Federacije BiH